



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o utvrđivanju posebnog značaja za Grad Sarajevo
za Udruženje Kupujmo i koristimo domaće – kvalitetno proizvedeno
u Bosni i Hercegovini
(Prijedlog)

Predlagač: Gradonačelnica

Obradivač: Gradske službe za lokalnu samoupravu i
lokalno poslovanje

Sarajevo, juli 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b). Statuta Grada Sarajeva („Službene novine Kantona Sarajevo”, broj 7/23), te na osnovu člana 8. stav (1) Odluke o načinu sticanja statusa udruženja i fondacija od posebnog značaja za Grad Sarajevo („Službene novine Kantona Sarajevo”, broj 51/21), Gradsko vijeće Grada Sarajeva, na ____. sjednici održanoj dana ____.2023. godine, donosi:

(Prijedlog)

**Odluku
o utvrđivanju posebnog značaja za Grad Sarajevo
za Udruženje Kupujmo i koristimo domaće – kvalitetno proizvedeno
u Bosni i Hercegovini**

**Član 1.
(Predmet Odluke)**

Ovom odlukom utvrđuje se da je Udruženje Kupujmo i koristimo domaće – kvalitetno proizvedeno u Bosni i Hercegovini od posebnog značaja za Grad Sarajevo, kao organizacija čije je djelovanje usmjereno na to da, kroz projekte koje realizira i na području Sarajeva, afirmiše domaće firme koje se bave proizvodnjom i uslugama, te istovremeno radi na tome da građane što bolje upozna s domaćim proizvođačima, njihovim proizvodima, značajem domaće proizvodnje i time djeluje tako da raste prodaja domaćih proizvoda i korištenje usluga domaćih kompanija od strane građana, te više novca ostaje u državi, povećavaju se javni budžeti, što pogoduje boljem ukupnom razvoju i stoga navedeno predstavlja vrijednosti od posebnog interesa za Grad Sarajevo.

**Član 2.
(Iznos sredstava i period finansiranja)**

Djelatnosti Udruženja Kupujmo i koristimo domaće – kvalitetno proizvedeno u Bosni i Hercegovini sufinansiraju se iz sredstava Budžeta Grada Sarajeva u iznosu od 5.000,00 KM (slovima: pethiljada KM) tokom više budžetskih godina, dok ovo udruženje ispunjava opće i posebne uslove za sticanje statusa posebnog značaja za Grad Sarajevo, odnosno do prestanka statusa, u skladu sa Odlukom o načinu sticanja statusa udruženja i fondacija od posebnog značaja za Grad Sarajevo.

**Član 3.
(Nadzor)**

Nadzor nad provedbom Odluke vrši gradonačelnica Grada Sarajeva putem nadležne službe, Gradske službe za lokalno poslovanje.

**Član 4.
(Izmjene i dopune)**

Izmjene i dopune ove odluke vrše se na način i po postupku za njeno donošenje.

Član 5.
(Stupanje na snagu)

Ova odluka stupa na snagu narednog dana od dana objavljivanja u „Službenim novinama Kantona Sarajevo”.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo, __. __. 2023. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva kojim je propisano da Gradsko vijeće donosi odluke, druge propise i opće akte i daje njihovo tumačenje, kao i u članu 8. stav (1) Odluke o načinu sticanja statusa udruženja i fondacija od posebnog značaja za Grad Sarajevo, čijom odredbom je, između ostalog utvrđeno da Gradsko vijeće Grada Sarajeva donosi konačnu odluku o utvrđivanju posebnog značaja za određeno udruženje ili fondaciju, na prijedlog gradonačelnice Grada Sarajeva.

RAZLOZI DONOŠENJA

Udruženje Kupujmo i koristimo domaće – kvalitetno proizvedeno u Bosni i Hercegovini obratilo se gradonačelnici Grada Sarajeva sa Zahtjevom za sticanje statusa udruženja od posebnog značaja za Grad Sarajevo, a uz zahtjev su dostavljeni dokazi o ispunjavanju općih i posebnih uslova iz Odluke o načinu sticanja statusa udruženja i fondacija od posebnog značaja za Grad Sarajevo.

Pored ostalog, navodi se da je Udruženje osnovano 2006. godine te da svoje aktivnosti i projekte razvija i provodi na području Grada Sarajeva, gdje afirmiše firme koje se bave proizvodnjom i uslugama i građane upoznaje s proizvođačima i tradicionalnim načinom proizvodnje. Veća prodaja domaćih proizvoda i korištenje usluga domaćih kompanija od strane građana rezultira time da novac ostaje u BiH, povećavaju se budžeti i ima više novca za razvoj cjelokupnog društva, a navedeno predstavlja vrijednosti od interesa za građane grada Sarajeva - član 5. stav c) Odluke.

U vezi posebnih uslova iz člana 5. Odluke dostavljena je dokumentacija kojom se obrazlaže da je u 18 godina postojanja Udruženja, Udruženje *Kupujmo i koristimo domaće - kvalitetno proizvedeno u BiH* oko 500 kompanija iz cijele države učestvovalo je u raznim projektima Udruženja. Preko 12.000 artikala koji se proizvode u Bosni i Hercegovini, zahvaljujući projektima ovog Udruženja, prepoznato je od strane građana kao domaći proizvod plavom oznakom zvijezde „Kvalitetno proizvedeno u BIH.

Također, na 29. sjednici Gradskog vijeća, održanoj dana 26.06.2023. godine, predsjedavajući Gradskog vijeća Grada Sarajeva uputio je gradonačelnici inicijativu identičnog sadržaja, a koja je postala inicijativa Gradskog vijeća Grada Sarajeva, sa ciljem da se, u skladu sa važećom odlukom, Udruženju Kupujmo i koristimo domaće – kvalitetno proizvedeno u Bosni i Hercegovini dodijeli status udruženja od posebnog značaja za Grad Sarajevo.

Shodno navedenom, te u skladu sa mišljenjem i prijedlogom nadležne službe, Gradske službe za lokalno poslovanje, gradonačelnica Grada Sarajeva je, u skladu sa odredbama Odluke o načinu sticanja statusa udruženja i fondacija od posebnog značaja za Grad Sarajevo, uputila Gradskom vijeću Grada Sarajeva prijedlog Odluke, a Gradsko vijeće Grada Sarajeva donijelo je ovu Odluku.

FINANSIJSKA SREDSTVA

Finansijska sredstva za realizaciju ove Odluke se obezbjeđuju u Budžetu Grada Sarajeva.